

TEZAU LITURGIC
25 NOIEMBRIE

ACATISTUL
SF. MARE
MUCENIC
MERCURIE



MOSCOVA, 2000



Акафист

святому великомученику Меркурию Кесарийскому

Кондак 1, глас 8

Подобен: Взбранной Воеводе:

Избранному от воинства земнаго в небесное,
предстоящему Престолу Царя Славы,

великомученику Меркурию благоговейное пение
приносим: молися усердно ко Господу за люди,
почитающия и во умилении воспевающия тя:

Радуйся, Меркурие, изрядный угодниче Христов
и воине непобедимый.

Икос 1

Ангел Господень, еще язычнику ти сущу,
Меркурие, предуказа твое служение ко славе
имене Божия, егда призва тя от Армении в Рим
и даде ти меч на победу, имже дивная сотворил
еси. Сего ради прилежно вопием:

Радуйся, сосуде, Богом избранный;

ра́дуйся, десни́цею Бо́жиею незри́мо водимый.

Ра́дуйся, Сла́вою Бо́жиею прославля́емый;

ра́дуйся, вре́менным ве́чному послужи́вый.

Ра́дуйся, А́нгелы укрепля́емый;

ра́дуйся, в страда́нии вене́ц сла́вы получи́вый.

Ра́дуйся, всели́выйся в черто́ги ми́ра Го́рняго;

ра́дуйся, моли́твенно не оставля́я ми́ра до́льняго.

Ра́дуйся, Мерку́рие, изрядный уго́днице Христов
и во́ине непобеди́мый.

Конда́к 2

Ви́дя о́ком телесным ду́ха безплотнаго и ушима
слы́ша глаго́лы: «Не забуди Го́спода Бо́га твоего́,
егда́ победи́ши враго́в!», се́рдцем прия́л еси́,
Мерку́рие, повеле́ние си́е а́нгельское и во
умиле́нии рекл еси́: Аллилу́ия.

И́кос 2

Разуме́ти тща́щеся толи́кую си́лу твою́,
дивля́хуся во́ини, о́крест тебе́ стоя́щи, толи́цей
си́ле твое́й, не ве́дуще ору́жия, от А́нгела тебе́

врученнаго; мы же, Духом Святым познавше
силу Божию, в тебе явленную, навыхохом пети:

Радуйся, меч, вверенный Богом, сохранивый;
радуйся, залог благодати в себе возрастивый.

Радуйся, мечем ангельским полки варварския
пораживый;

радуйся, верою прелесть идольскую
низложивый.

Радуйся, радости мира сего ни во чтоже
вменивый;

радуйся, вечней радости себе уготовавый.

Радуйся, силу Божию в себе явивый;

радуйся, повеление ангелово исполнивый.

Радуйся, Меркурие, изрядный угодниче Христов
и воине непобедимый.

Кондак 3

Силы Божия в тебе не ведая, славне Меркурие,
Декий нечестивый постави тя над войском
своим начальствовать: ты же, ни во что вменяя
милости и дары его, в нищете духовней

Источнику милостей всяческих и щедротъ зывае еси: Аллилуия.

Икос 3

Имея Ангела попечение о тебе, святе Меркурие, воздвизающа ты не токмо от сна телеснаго, но подвизающа на бодрствование духовное и поприще страдальческое, благодарне подъял еси служение сие. Сего ради вопием ти сицевая:

Радуйся, зрением Ангелов небесных почтенный;
радуйся, попечением их не оставленный.

Радуйся, ко спасению ими побуждаемый;
радуйся, Духа Святаго храме освященный.

Радуйся, светом нетленным сияй;
радуйся, путь к жизни вечней освещаай.

Радуйся, благовестие Божие приемляй;
радуйся, благодарение о нем воздаяй.

Радуйся, Меркурие, изрядный угодниче Христов
и воине непобедимый.

Кондак 4

Бу́ря житёйских смяте́ний не устраши́ ты,
до́блй во́ине Христо́в, егда́ воспомина́ул еси́
словеса́ родите́лева: блаже́нни во́ини Царя́
Небе́снаго, и устреми́лся еси́ се́рдцем твои́м в
вои́нство сие́, отреша́ясь от почесте́й земных,
вопи́я Бо́гу: Аллилу́ия.

И́кос 4

Слы́ша вразумле́ние а́нгельское, воспомина́ул еси́
наставле́ние родите́лево, и, умили́вся се́рдцем,
рыда́л еси́: «Увы́ мне, грёшному, ка́ко и́зсше
душа́ моя́, не ве́дящи ко́рене богопозна́ния! Ка́ко
предста́ну Ти, Бо́же, в час послед́ний и
сме́ртный, ко́е сло́во изреку́ во оправда́ние
грёшны́я души́ моея́?» Мы же, тако́вым
покая́нием вразумля́еми, глаго́лем ти:

Ра́дуйся, слеза́ми ду́шу омы́вый;

ра́дуйся, чи́ста себе́ Бо́гу яви́вый.

Ра́дуйся, пока́нию нас науча́я;

ра́дуйся, ру́це к Бо́гу за ны воздева́я.

Ра́дуйся, моли́твами твои́ми нас спаса́я;

ра́дуйся, жити́ем твои́м нас вразумля́я.

Ра́дуйся, о́браз чистоты́ в себѣ явѣвый;
ра́дуйся, Це́рковь Христо́ву украсѣвый.

Ра́дуйся, Мерку́рие, изрядный уго́дникъ Христо́в
и во́ине непобеди́мый.

Конда́к 5

Звездо́ю богоразу́мья наста́вляемъ, не принѣсл
еси́ же́ртвы богоме́рзка, жела́я послѣдовати
пути́ Христо́ву и сподо́битися пи́ти ча́шу Его́.
Сего́ ради́ пре́дан, оклеве́тан и зауше́н был еси́,
якоже и Госпо́дь твой, во смире́нии прие́мля сия́
и вопия́: Аллилу́ия.

И́кос 5

Ви́дя тя, долготерпели́ве Мерку́рие, совлѣкшася,
по словеси́ апо́стольскому, вѣтхаго челове́ка с
дея́ньми его́ и облѣкшася чрезъ очисти́тельная
страда́ния в но́ваго, по о́бразу Бо́жию и
подо́бию сотворѣннаго, во умилѣ́нии поѣм ти:

Ра́дуйся, же́ртву себѣ живу́ю Бо́гу явѣвый;
ра́дуйся, зауше́нием стра́сти грехо́вныя
умертви́вый.

Ра́дуйся, кро́вию крещѣ́ние прия́вый;
ра́дуйся, в немъ Ду́ха Бо́жия стяжа́вый.

Ра́дуйся, ве́рою жити́е преобрази́вый;
ра́дуйся, ея́ ра́ди страда́ти изво́ливый.

Ра́дуйся, служе́нию любви́ поревнова́вый;
ра́дуйся, наде́ждою ду́шу испо́лненный.

Ра́дуйся, Мерку́рие, изря́дный уго́днице Христо́в
и во́ине непобеди́мый.

Конда́к 6

Пропове́дника си́лы Бо́жия, яже в тебе́, не
ве́дая, Де́кий безбо́жный ужасе́ся. Мы же,
благодáти Бо́жия ты испо́лнена, я́ко ча́до Бо́жие,
испове́дующе, вопие́м Творцу́ на́шему: Аллилу́ия.

И́кос 6

Воссия́ свет в души́ твоёй, страда́льче, егда́,
отве́ржену ми́ром, в темни́цу ве́дому и
опеча́лену, А́нгел яви́ся ти и глаго́ла: «Мужа́йся!
Разреша́яй печа́ли вся́кия Госпо́дь зрит тя!» Мы
же, толи́кому о тебе́ попече́нию дивя́щися,
зове́м:

Ра́дуйся, я́ко апо́стол Петр, А́нгелом
укрепля́емый;

ра́дуйся, печа́ли вся́кия избавля́емый.

Ра́дуйся, христиани́на себе́ испове́давый;
ра́дуйся, ра́зумом Божество́нным
просвеще́нный.

Ра́дуйся, уз теле́сных разреши́тися возжелё́вый;
ра́дуйся, в ру́це Бо́жии себе́ преда́вый.

Ра́дуйся, Го́спода ве́рный служи́телю;
ра́дуйся, Го́рняго Иерусали́ма жи́телю.

Ра́дуйся, Мерку́рие, изрядный уго́днице Христо́в
и во́ине непобеди́мый.

Конда́к 7

Хотя́ вразуми́ти нечестива́го царя́, яви́лся еси́
тому́, великомуче́ниче, рек: «Исцеле́ние от
Го́спода приях, да побежду́ тя и отца́ твоего́
диаво́ла», – и тако́ глаго́ля, вопия́л еси́ в Тро́ице
сла́вимому и покланя́емому Еди́ному
Бо́гу: Аллилу́ия.

И́кос 7

Но́вая муче́ния изобре́те тебе́ науча́емый от
диаво́ла Де́кий нечестивы́й: повеле́ истязати́ тя
мече́м и огне́м; ты же, ве́дая, я́ко гоните́ль сей
не има́ть власти́ над душо́ю твое́ю, смире́нно
претерпе́л еси́ вся, о ни́хже тебе́ поём:

Ра́дуйся, до́блестне истяза́ния терпе́вый;
ра́дуйся, а́нгельскую песнь в страда́ниях
воспе́вый.

Ра́дуйся, муче́нием вре́менным ве́чнаго
изба́вленный;

ра́дуйся, небе́снаго венца́ удосто́енный.

Ра́дуйся, кро́вию мученическойоу пла́мень
угаси́вый;

ра́дуйся, темни́цу я́ко черто́г Бо́жий вмени́вый.

Ра́дуйся, Го́спода пред собо́ю зряй;

ра́дуйся, ны́не одесну́ю его́ предстояй.

Ра́дуйся, Мерку́рие, изрядный уго́днице Христов
и во́ине непобеди́мый.

Конда́к 8

Стра́нное чу́до зрим тя, мучени́че Мерку́рие,
неопа́льна и неврежда́нна стоя́ща, исцеленна
су́ща, и Христа́ Бо́га и́стинна испове́дающа, и
благодарне взыва́юща Ему́: Аллилу́ия.

И́кос 8

Весь быв подо́бен отроко́м в пе́щи халде́йстей,
мучени́че Христов, в пла́мени горя́щем неопа́лен

пребыва́я и ро́су благода́ти от Го́спода
воспри́им, научи́л еси́ нас со умиле́нием
воспева́ти си́це:

Ра́дуйся, све́том Ева́нгельским оза́ренный;
ра́дуйся, Враче́м душ и теле́с исцелённый.

Ра́дуйся, в му́ченических по́двизех И́стину
возвеща́яй;

ра́дуйся, воскресе́ния, по словеси́ Христо́ву,
ча́яй.

Ра́дуйся, сла́вен в со́нме святы́х явле́нный;
ра́дуйся, мно́гими ра́нами испещре́нный.

Ра́дуйся, Христо́во благоуха́ние источа́яй;
ра́дуйся, его́же и нас сподобля́яй.

Ра́дуйся, Мерку́рие, изря́дный уго́днице Христо́в
и во́ине непобеди́мый.

Конда́к 9

Вся́кое естество́ ужасе́ся, ви́дя тя, страда́льче,
на сме́рть ве́дома, смире́нна и незло́бива,
проще́ния мучи́телем от Бо́га прося́ща, небе́сных
селёний дости́гнути жела́юща, во е́же
пе́ти: Аллилу́ия.

И́кос 9

Ветии суемудреннии ничесо́же изреци́ возмо́гут
о явлéнии тебе́ Творца́ всяческих, И́же Сам рече́:
«Мерку́рие, прииди́ ко Мне, и Аз упоко́ю тя,
приими́ вене́ц подвига́ твоего́». Мы же в похвалу́
тебе́ прино́сим:

Ра́дуйся, водо́ю живо́ю напоённый;

ра́дуйся, добродéтельми, я́ко бисером,
украше́нный.

Ра́дуйся, главу́ на усече́ние подклони́вый;

ра́дуйся, вене́ц сла́вы прие́мый.

Ра́дуйся, идо́льскую преле́сть низложи́вый;

ра́дуйся, предста́тельством твои́м нас утёшивый.

Ра́дуйся, Со́лнца Пра́вды луче́ не угаса́ющая;

ра́дуйся, свеще́ в неразу́мии су́щих
просвеща́ющая.

Ра́дуйся, Мерку́рие, изрядный уго́днице Христо́в
и во́ине непобеди́мый.

Конда́к 10

Спасе́ние дарова́ ти Господь, во́ине Христо́в
непобеди́ме, и возра́довася Це́рковь

торжествующая, видящи Господа яко Отца
чадолюбива, во объятия Своя приемшаго чистую
душу твою, и гласом велиим возгласи: Аллилуия.

Икос 10

Стену непоколебиму воздвиге ты верным
Господь, не токмо душу твою прослави, но и
тело страдальческое славою украси и благоуха,
досточудне мучениче. Мы же, Славу Божию
видяще на тебе, зовем:

Радуйся, кадило благоуханное;

радуйся, миро драгоценное.

Радуйся, богатство нетленное даруй;

радуйся, от нищеты избавляй.

Радуйся, исцеления обильно источай;

радуйся, душевных обстояний свободяй.

Радуйся, спасительного терпения образ явивый;

радуйся, твердому стоянию в вере Христове
научивый.

Радуйся, Меркурие, изрядный угодниче Христов

и воине непобедимый.

Кондак 11

Пѣние молитвенное принесѣ святитель Василій пред ико́ною Пречі́стыя Богоро́дицы, иде́же и ты, я́ко страж вели́чія Ея́, изображе́н был еси́: и а́бие о́браз твой сокры́ся и посѣм с копи́ем, кро́вию обагрѣ́нным, па́ки яви́ся. В сем святитель Христо́в уразуме́в сверше́ние во́ли Бо́жия о избавле́нии Це́ркве от Иули́ана отступника, рече́: Аллилу́ия.

И́кос 11

Свет Христо́в возсия́ в Це́ркви святей, егда́ чуде́сне повеле́ ти Госпо́дь порази́ти прегорда́го отступника копи́ем твои́м, и тако́ положи́ конѣц гонѣнием на Це́рковь Свою́ от она́го. Мы же, сла́вяще смотре́ние Премудро́сти Бо́жия, тебе́ поѣм:

Ра́дуйся, благоче́стием, я́ко мо́лния, блиста́яй;

ра́дуйся, гро́ме, злочѣ́стие поража́яй.

Ра́дуйся, поклонѣ́ние тва́ри упразднѣ́вый;

ра́дуйся, кресто́м побѣ́ду возвестѣ́вый.

Ра́дуйся, во́ине благознаме́ный;

ра́дуйся, венце́носче наро́читый.

Ра́дуйся, моли́твам на́шим внима́й;
ра́дуйся, вся́каго зла изба́вля́й.

Ра́дуйся, Мерку́рие, изря́дный уго́днице Христо́в
и во́ине непобеди́мый.

Конда́к 12

Благода́тию Бо́жиею спасы́й ду́шу твою́,
страстоте́рпче святы́й, не преста́й и о нас,
грехми́ до́лу повер́женных, возноси́ти моле́ния
те́плая к Престо́лу Царя́ ца́рствующи́х и Го́спода
господствую́щих, да возмо́жем во сла́ве вызы́вати
Ему́: Аллилу́ия.

И́кос 12

Пою́щим твоё заступле́ние и притека́ющим к
тебе́, му́чениче Мерку́рие, предста́тель ве́рный
бу́ди и не отве́ржи нас, ны́не моля́щихся тебе́ и
из глуби́ны ду́ши вызы́вающих:

Ра́дуйся, Творцу́ вселе́нныя предста́й;
ра́дуйся, за лю́ди Бо́га прося́й.

Ра́дуйся, сто́лпе церко́вный, ве́ру утвержда́й;
ра́дуйся, сове́ты нечестивы́х разруша́й.

Ра́дуйся, све́те, благоче́стие возвра́щай;

ра́дуйся, мглу грехо́вную истребля́яй.

Ра́дуйся, к покая́нию нас призыва́яй;

ра́дуйся, наде́жду на спасе́ние полага́яй.

Ра́дуйся, Мерку́рие, изря́дный уго́днице Христо́в
и во́ине непобеди́мый.

Конда́к 13

О страстоте́рпче до́блй, му́чениче сла́вный,
свя́те Мерку́рие! Ны́нешнее на́ше прие́м
приноше́ние, не преста́й Го́спода моли́ти, да
изба́вит нас твои́м ходата́йством ге́енны
о́гненныя и сподо́бит воспева́ти с ли́ки
а́нгельскими победну́ю песнь: Аллилу́ия.

Сей конда́к глаго́лется три́жды.

И па́ки чте́тся 1–й и́кос и 1–й конда́к

Моли́тва

О вели́кому́чениче святы́й и до́блй во́ине
Христо́в Мерку́рие, страда́нием, кро́вию и
сме́ртию свое́ю ве́рность Христу́ и Це́ркви Его́
свидете́льствова́вый и сего́ ра́ди вене́ц жи́зни от
Него́ прие́мый! Ны́не в хвале́бных пе́снях тебе́
прославля́юще, смире́нно к тебе́ припа́даем и
усе́рдно мо́лим: предста́тель бу́ди пред Бо́гом о

душа́х на́ших неусы́пный, умоли́ Влады́ку Го́спода, да сохра́нит Святу́ю Це́рковь Свою́ и всех ча́д ея́ в сою́зе любве́ и единомы́слии, да утвер́дится мир и безмяте́жие в лю́дех, во оте́честве на́шем живу́щих, да позна́ют вси́, я́ко Христо́с есть Пу́ть, И́стина и Жи́знь, и да прии́дут к Нему́ вси́ тружда́ющися и обре́менёнии, и упоко́ит их. О вели́кий уго́днице Бо́жий! Кре́пкое стоя́ние в ве́ре на́шей да́руй нам, благода́тную по́мощь нам низпосли́, да ми́рное, ти́хое и богоуго́дное жити́е поживе́м в ве́це сем и досто́йно с тобо́ю в день о́ный восхва́лим Пресвяту́ю Трои́цу, Отца́ и Сы́на и Свята́го Ду́ха, во ве́ки веко́в. Ами́нь.

